

松陽縣志卷十四

雜事志 災祥 靈異 補遺 辨訛

休徵咎徵理應天人致災致祥捷於影嚮凡有關茲一邑者曷可忽諸若夫南柯示夢理介渺茫西竺遺經事多幽幻律以夫子神怪不語之義固可略而不書然舊冊所存何堪遽逸間登一二以為該洽之資聊備見聞之助至滄海遺珠砥硃混玉在所不免附錄於後藉擴所知志雜事

雜事志一

災祥

宋

松陽縣志

卷十四 雜事

災祥

一

嘉熙四年旱

寶佑五年旱

咸淳十年旱

宣和十年潦

元

延祐元年田禾漂

泰定二年水旱

至正十年旱

十六年螟

明

洪武九年旱

十七年水壞民居



正統三年旱

十年大熟

十三年橫山居民屋中出血里許厚一尺雞犬不食

成化九年旱

十五年大水壞田地

正德十年旱

十一年地震雪積丈餘

十三年旱

十六年冬地震如雷

嘉靖四年大水

五年大旱

六年麥大稔

八年蜃出居民患之

十四年正月朔大雪五日十五年十二月大雷電

十六年二十都十八都山裂二十餘里

二十九年旱

三十年潦

松陽縣志

卷之四 雜事

災祥

一一

三十一年四月一雷擊死五牛背有字莫辨次年是月日又如之

四十四年冬雷震大雨雪又下黃土

萬歷二十五年池塘水漲蕩漾有聲

二十六年四月水漲獨山渡溺死五十三人

二十九年三月夜大風雨羅木崗文昌閣仆

三十一年六月大風松樹墩石亭仆壓死四人

三十二年十一月地震 三十三年旱

三十四年旱 三十五年旱

三十六年旱 三十七年旱



清

康熙五年旱

九年旱

十一年十二月大雪積五尺餘

二十年旱

二十五年閏四月大雨四晝夜赤塔埠房屋漂沒南門內水滿七尺舟行城市傍河廬舍俱漂淹斃人口壞四鄉田地三十餘頃石堰橋梁俱壞

二十八年旱

三十六年旱

四十一年旱

五十四年大旱蠲賑

六十一年大旱賑濟

松陽縣志

卷之

雜事

災祥

三二

雍正元年大旱賑濟

二年九月南門善官舖火北至上太平舖東至橫街

塔頭舖大街兩傍店屋俱燬

十年蟻蝨食禾

乾隆十二年大旱賑濟

十六年大旱賑濟

二十六年五月大雨十三都高亭出蛟壞民居田地

六十年大旱

嘉慶五年域中大水舟可入城漂沒廬舍廟宇無數申報

有案

案是年六月二十三日洪水自遂昌東鄉來二十五日內孟山水復發漂屍無數

二十五年東北鄉出蛟水入城東沖壞民舍



道光元年大旱餓殍甚眾

十四年大旱穀價甚昂

十五年大旱賑濟

二十四年連旬大雨水溢城鄉十五六都沖壞田地

民居無數

二十五年旱

二十六年城南善觀舖火上至桶蓋亭西至官塘口

及市塢頭亭下兩旁店屋俱燬

咸豐四年大水

五年地震

松陽縣志

卷四 雜事

災祥

四

六年九月大雷雨三都楊家堂淡竹等庄各山崩裂  
數十餘丈

八年三月二十三日髮賊竄陷死者甚眾

十一年五月十一日寇復至城又陷

同治四年正月大雪積三尺餘

十二年麥大稔

以上舊志

光緒五年夏大旱月餘不雨知縣朱慶鏞邀集紳耆恭詣

城隍廟設醮祈求雨澤並令至石倉源迎定光古佛

暨龍神入城祈禱果得甘霖疊應

九年秋旱



十二年七月大水漂沒堞堤無數

十三年夏旱穀價甚昂

十五年三月大雨雹四月大水漂沒田地堞堤甚多  
十六年二月二十日大雪三日夜高積三四尺

十八年閏六月大雨雹捐壞禾稼十二月大雪積二尺餘

二十一年秋旱象溪村下山頂開裂崩陷數十百丈  
闊數丈深不見底其水流出有硝磺氣經久不散

二十三年五月大水城南大堞沖塌

二十五年夏修復大堞是年冬大雪積三尺餘

松陽縣志

卷之四

雜事

災祥

五

二十六年五月大水大堞復沖

二十八年秋瘟疫流行城鄉各處斃人無算

二十九年六月大旱至七月望後霪雨十餘日田禾  
未穫盡生青芽

三十一年知縣葉昭敦籌捐修復城南大堞是年正  
月初三日大雪至初九日乃止平地雪深三尺凍死  
牛羊無數壓倒竹木及菸寮尤多諺云一寮菸苗一  
寮完八百菸苗賣一元三月二十三日午刻烈風雷  
雨屋瓦如飛樹木摧折夏秋之交復大旱兩月不雨  
穀價從此遞貴



三十一年東馬鞍山有礦質出現其苗黃白不一是年米價昂貴奉諭平糶每米一斗售錢一百零八文每斤計錢二十七文

三十三年秋旱

宣統元年秋旱

三年正月初六日雨飯城西靈顯寺前後遍地皆是西市下米行中尤多七月大水

中華民國

民國元年舊歷七月中旬霪雨連綿閱四晝夜至十七日各鄉山崩地陷沖沒田廬無算淹斃居民不計其數

松陽縣志

卷四

雜事

災祥

六

東南較重石倉區尤甚斃民百餘口芥菜源全村覆沒申報有案沖坍城南大埭百二十餘丈邑紳包芝洲等籌捐修復費款數千

二年秋七月大水較元年略小沖壞田廬亦夥

三年二月二十七日獨山石巖崩裂填塞青龍圳夏大旱亢陽七十餘日禾苗枯稿赤地數百里穀價甚昂申報有案

四年夏秋大旱穀價飛漲每擔六元以上

五年五月下旬大水南州南巖渡覆淹斃九人

六年五月初旬大風雹釣魚嶺一帶拔去大松樹數



十株各處田寮吹倒者甚多歲則大熟穀價每擔二元有零

七年正月初三日未刻地大震門窗箱櫃皆搖曳作聲六月初旱繼而風雨爲災漂沒田廬道路橋梁不可勝數九月時疫流行死亡枕籍

九年旱繼以風災歲大歉省議員何文龍會商知事趙祖壽邀集紳富贈購甌米接濟於十年三月設局開糶至秋稻登場之日數達十三萬銀之譜是年七月大雨十八都山水暴漲漂沒田地民屋無數

十一年閏五月初三日大雨傾盆山水暴發沖坍雅

溪口新築石橋三大洞並各處舊橋不少沖沒田廬道路尤多二十五都板橋嶺頭山崩四都莊后亦山崩各壓斃一人六月二十一日大雨五日不止三都四都等庄受災更重浙江水災籌賑會及華洋義賑會賑濟銀幣及苞米爲數至鉅又本邑水災協賑會助款修復四都東坑源內外道路費亦不貲

十三年歲大熟

十四年麥熟

以上民國年間所記月日均依中曆推算



雜事志二

靈異

松石 此石出卯山後卯山爲葉法善修真之地其下有怪石形如喬松枝幹紋質俱備沉埋土中掘得之可以辟火又有如石筍形者人家花砌或購置一段甚珍貴堰蛇 蕭梁時詹南一司馬築堰於松陽溪上引流溉田功久不就遇一老人曰過溪見異物卽其地也如其言見一白蛇橫亘中流於是循其波痕以築乃就

空中言 狀元沈晦爲處州守無子因家於松陽過石牛渡忽聞空中言曰狀元沈晦與爾一子後果得子亦至

松陽縣志

卷六

雜事

靈異

八

顯官

夢王珪 潘景珪松陽人生時其祖宗回方隱几而寐夢一偉丈夫紫綬金章拜於前問曰汝何人也答曰唐主珪聞公積善願爲公後乃以屬其子覺而得孫因命曰景珪

追魂碑 唐開元間葉法善以道術遭遇元宗時李邕爲處州刺史邕以詞翰名世法善求邕與其祖有道先生國重作碑邕從之文成請并書弗許一夕夢法善請曰向尋雄文光賁泉壤敢再求書邕喜而爲書未竟鍾鳴夢覺至丁字下數點而止法善刻畢持墨本往謝邕驚



曰始以爲夢乃真耶世稱此碑爲追魂碑舊以爲靈異  
歐陽文忠公云有道先生葉公碑李邕撰并書余集古  
所錄李邕書頗多最後得此碑於蔡君謨爲余言邕之  
所書此爲最佳也

石碁子 葉法善與道侶弈於遂昌之牛頭山局終擲棋  
子於地化爲石後人於其地得石每一卷石中有小石  
碁子圓滑紺白初出土尙溫軟就劈取可足一局又時  
有石螺石蟬但不能常得之

祈雨異石 萬歷間松陽旱極城中迎卯山葉真人溪南  
迎六都鄭仙姑各趨導禮拜遇於五星廟之前仙姑從

松陽縣志

卷四

雜事

靈異

九

左而去真人從右而來雨不甚濡惟大發風雷是夜仙  
姑殿後壁左邊忽擲一石其狀圓其大兩合抱破壁而  
入止於中堂仙像不毀遠近人趨觀其異及覓石之發  
跡處遍山無土痕或以爲自遠飛來者此更異也土人  
徙石於階下完其廟壁人皆曰此越國公怒也然真人  
與仙姑同邑同著仙籍甯有此意乎但自此而後迎仙  
姑者必趨徑避真人

以上舊志

金剛經放光 葉石田封翁秀發道光癸巳董修舍利庵  
於佛腹中檢得金字金剛經一帙載明淞江嘉興府魏  
塘鎮永樂十三年乙未呂氏書萬歷十三年弟子海受



藏入佛腹石田攜歸朝夕諷誦家中屢見熒感占得死  
妄噬嗑五爻金鬼發動方悟金剛經之靈異也遂爲詳  
註刊刻分送將原經置香匣送還舍利庵敬慎保藏後  
其子維藩丁未成進士咸謂尊經之報云

冥官示現 咸豐乙卯十月初十夜有錫匠潘起倫從大  
竹溪回城至瓦窰頭見赤塔橋尾有人乘肩輿前後隨  
從提籠擁護向獨山下而去錫匠假咳一聲登時滅跡  
至十三日午前赤塔埠渡船碰破沈覆溺斃三十餘人  
時人以爲前夜乘肩輿者乃查名冊之冥官也信乎

白礮洞主 相傳洞主爲毛氏係金坑人當年與嫂楊氏

浣紗溪頭誤吞龍蛋而懷孕被父逐出後產青白二龍  
寄身雲表托足巖阿而白礮則層崖聳翠疊嶂遙臨尤  
爲仙子駐足之所光緒二十二年神靈愈顯祈求輒應  
方共知爲毛氏居遊之地因爲塑像立廟遠近馳名

崩礮 在裕溪村上徐山嶺腳巉巖壁立磊落嵯峨其勢  
若墜有時崩落一石則裕溪村中必有一人入泮歷應  
不爽真奇異也土人又名之曰班礮蓋取玉筍班之義  
歟

火燄山 在淨居口對面正當離方山峰尖削如火星砒  
巖簇簇排列如淨居包源之屏蔽此山如有巖石崩下



則該源內必有火災之應或亦地氣使然歟故俗名此山爲火燄山

夢遊冥府 民國十四年乙丑十一月上浣高等畢業生高岑因病熱毒數日不睡至初八日敷藥痛減始熟睡夢遊一處鬧如城市中有大廈矗立雲端門外有四人直立兩旁如守門狀屋分三進入第一進見有短鬚人年約五十餘坐於中堂前設一案如法官狀右有一人執筆若書記又有皂吏數人揭一人跪堂下若審問然至第二進見有無數男女手皆束縛哭哭啼啼悲慘萬狀至第三進兩旁有牛頭馬面手執刀劍猙猙可畏反

身而出又見有大廈如前內有一人走出頭戴方巾身穿黑袍面色皆黑問之曰先生貴姓其人曰姓包名拯又曰汝何不急速回家否則恐有不測之禍岑爲之悚然遂蹒跚歸將至家忽聞霹靂一聲跳躍而寤乃以夢中所見告諸村人村人曰此冥府也既放汝歸必得更生自是病日以愈云高岑現年二十許謹愿如處子所述必不妄今卽其所見證諸東嶽宮之十殿不且信而有徵乎



雜事志三

補遺

知事秦章甫曰民國法度時人知之者鮮亟應考答詳載此說誠然惟此項法度各采訪員均未采及而志事展期已久急於觀成又不能再事展延特立補遺一目俟將來續采再行補入

志例生存人著作不載其有關於一邑掌故者不在此例無如生存人投稿紛紛瑜瑕不一棄取爲難若概予編載又恐美不勝收前曾與同事諸君議刊續編今期促款絀暫從緩議惟其中確有掌故所關萬難割愛者容俟選登於補遺之中庶不致日久散佚耳

松陽縣志

卷四

雜事

補遺

十一

縣立毓秀學校第一次運動會勉言

邑令錢世昌

我中華立國五千年文事武備光昭史冊如周呂管葛關岳諸公無不才兼文武學冠儒林用能戡亂定邦奠安中外自學校制廢而射御不習自文武科分而軍學不完寢衰寢弱以至晚清幾不能與列強並峙甲午庚子之變四萬萬人民所刻骨不忘者凡在國民誰不當振刷精神力圖自強之計況學校爲造就人材之所體育一門德智並重操場授課藝術俱全練習於平時者既精且熟可不一演於會場引大衆以尙武之精神況我松自辛亥以來武



漢金陵諸役已有以勇烈著者從此善爲教導不第年少學生奮爭競之氣而一般志士亦莫不生觀感之思此毓秀高小學校所爲開運動會也整隊而出氣象一新分級演操靈機百出競智競力競巧角勝於萬眾之前評定甲乙優予獎品數年來苦練勤操今一旦而超出儕輩表著榮名豈非人生之大快事哉吾於是不能不爲諸君進一解矣天下事善創尤貴善因毓秀運動會前此未之有也故築會場購器械製服裝職員之籌備者愈勞而愈奮第一次之精神壯矣而此後之擴充爲將來之計劃者不容少懈一也學問之道不日進則日退以練習之深而果獲

優勝當如何並奮精勤以學術之庸而祇步後塵當如何爭自磨勵且也能動尤貴能靜動而百戰不挫者必靜而百感不搖乃能勇猛精進成爲有用之才二也天下興亡匹夫有責必人人有枕戈待旦之心而後國民勇敢國勢雄強以會場爲之提倡自可振學生之精神作國民之志氣參觀者出之獎品錫以頌詞固已歡欣鼓舞而觀覽之餘應生奮勵對於子弟當何以善爲栽培對於國家當何以力爲保愛三也況乎學術無窮日新不已今之所演者異日或視爲故舊後之所操者此時或不及測知必抱一不自滿足之心而後志意堅魄力厚演習熟藝術精操法



教科隨時變化運用之妙存乎一心今之獲勝於本校運動場者他日獲勝於聯合運動場中學運動場大學運動場以至獲勝疆場拔幟立幟皆同一精神爲之推擴也古曰有文事者必有武備可爲諸君頌矣他日者邑志重修藝文列目必大書特書曰某年某月日松陽毓秀學校開第一次運動會也誰謂松川一隅大局無關耶時

中華民國七年五月初十日

案此次運動會爲我松之創舉當時承其乏者頌詞詩賦佳作如林其有關於掌故孰亟於是乃采訪各員均未之及祇得俟諸後來茲僅由吳君毓生鈔投錢公勉

言一篇亟爲補登亦聊以見一斑耳



雜事志四

辨訛

舊志凡遇前清廟諱俱用恭代或缺筆今民國改元無庸避諱理宜辨正如宋之熙寧崇寧舊志用甯字代淳熙淳祐舊志用淳字代明之弘治崇禎舊志用宏字代弘正字代禎又如元代立允代胤歷代曆真恬等字缺末筆此類甚多今皆一一更正

舊志俗體字甚多如於作于函作函驗作驗略作畧峰作峯垂作垂構作構檢作檢沖況等字从彳不从彳之類謬訛相沿習焉不察茲皆查照字學舉隅一律訂正

松陽縣志

卷四

雜事

辨訛

十五

舊志各文有低一格低二格者雜亂無章殊乖體例今除類目低一格小目低二格外其餘一概頂格如有擡頭字樣則空一格以別之又惟案語仍低一格俾清眉目

舊志小目上下接連不分頁殊難查檢今每類每目均分頁另起並將小目添註於邊線之下庶較易於翻閱

舊志學校類聖訓數篇係前清事實原可略而不載惟其所言皆德行道義之文於當今士習亦大有關係故不忍遽刪用特辯而明之